

影印  
文淵閣

四庫全書



影印

文淵閣四庫全書

第一二九七冊

北京出版集團公司  
北京出版社

# 本冊目次

倪文貞集

續奏講詩集

明 倪元璐撰……………一

凌忠介公集

明 凌義渠撰……………三七九

申忠愍詩集

明 申佳胤撰……………四七一

茅簷集

明 魏學洧撰……………五〇五

陶菴全集

明 黃淳耀撰……………六二一

# 欽定四庫全書

集部  
倪文貞集卷一至三

詳校官中書臣徐志晉

侍讀臣孫球覆勘

總校官檢討臣何思鈞

校對官編修臣羅修源

謄錄監生臣余景奎

御製題倪元璐撰王鐸制辭

適閱四庫全書明倪元璐集制誥一冊其為侍講王鐸

制詞云追蹤洛下邁跡臨川決子鼎鉉則猶著英是以

王鐸為優於程頤王安石也又云朕既甌覆子名發且

有日闕而鑄錐則豈有及云云尤非君誥臣之體夫王

鐸本明季大臣至我朝復為大學士其身事兩朝人品

無足取乃元璐制詞以為優於程頤是何語耶元璐在

明季本東林黨其從劉宗周黃道周遊尚能留心經濟

奏疏多切中時務國朝定鼎時即賜謚文貞實明季諸

臣中矯矯者而其制詞不免失體如此可見制誥之非

美事也朕嘗題董其昌自書告身云虞廷咨命周室諸

誥皆君誨臣之言無所褒貶自唐始有制誥至於宋而

其權益重夫權者上之所操文字雖空言而邪正榮辱

是非所繫綦重未可忽焉我國家一掃歷代陋習誠不

可及文武各官制誥惟視其品之大小為高下不過明

訓數語而止無所謂黃麻金匱登臺持筆之事也即如

欽定四庫全書

倪文貞集

宋之蘇軾責呂惠卿詞語人曰三十年作劄子今日方  
剛得一有肉漢吁是何言耶不幾以九重之絲綸為一  
身之報復乎且為人子者孰不欲榮其親今付權於知  
制誥入者主之出者奴之受榮者必感焉受辱者必憾  
焉即使正人君子知制誥尚不能無此弊而况苞苴諛  
墓門戶於是乎別朋黨於是乎興為國家者亦何賴有  
此乎夫以萬乘之尊下譽匹夫匹婦之賤本非政體甚  
且意為褒貶顛倒是非其流弊至不可勝言向既於題  
欽定四庫全書

倪文貞集

三

乾隆四十九年十一月

欽定四庫全書 集部六  
倪文貞集 別集類五  
提要  
臣等謹案倪文貞集十七卷續編三卷奏疏  
十二卷講編四卷詩集四卷明倪元璐撰元  
璐有免易內外儀已著錄初元璐官翰林時  
掌外制之詞文章典雅為館閣所宗其門人  
為刻代言選六卷長沙文震孟序之崇禎丙  
子以國子監祭酒歸里裒輯所作名曰鴻寶  
應本華亭陳子龍序之壬午起官兵部侍郎  
明年擢戶部尚書時事已亟不復作應制文  
字間取舊本重為刊定付其子會鼎度藏之  
乾隆壬辰其元孫安世復編次重刻即此本  
也元璐少師鄒元標長從劉宗周黃道周遊  
均以古人相期許而尤留心於經濟故其擘  
畫設施勾考兵食皆可見諸施行非經生空

欽定四庫全書

倪文貞集

一

談浮議者可比其詩文雖不脫北地弇州之

舊格至其奏疏則詳明剴切多軍國大計興

亡治亂之所關尤為當世所推重然當天崇

之時君子小人襍還並進元黃水火恩怨相

尋大抵置君國而爭門戶元璐獨持論侃侃

中立不阿故齟齬不得大用及壞亂已極始

見委任而已無所措其手僅以身殉國以忠

烈傳于世而已此世所以重其人彌重其文

欽定四庫全書

倪文貞集  
提要

也詩集頗多散佚如聞朝鮮墮一城七言律

詩一首同衆友范姬集白下避暑湖亭七言

古詩一首又律句黃花古戍春難到枯樹嚴

關雁不過瘴石魏公偏斌媚輕烟呂相不糊

塗等句皆載在施男笈竹枝中集中俱未收

入蓋偶未見男書歟乾隆四十六年十一月恭

校上

總纂官臣紀昀臣陸錫熊臣孫士毅

總校官臣陸費墀

欽定四庫全書

倪文貞集  
提要

倪文貞集原序

鴻寶官翰林知制誥凡若干年得文若干首鴻寶之於文章其天性也所為制辭無一靡語無一濫語蓋凜乎其王言焉復無一塵語無一勑語無一凡語又無一語不嚴且莊也海內想聞而欲見其全鴻寶靳然不出其門人王炳藜諸君堅請乃出之既又曰全則繁半則難為取舍余乃為選之評之欲使海內由一斑以窺全豹云爾而更敘次其目首卹忠教天下之為臣子也斬首

欽定四庫全書

倪文貞集  
原序

陷胃而天日為昭斯制詞之所借光故以為冠也次賜環彰聖主風勵之大權也人生顯晦升沈有時命焉不失其正則君子之所自處也次功敘朝廷之所以昭勸醕也次恩覃國典也次考績國課也隨其職能而各有勸勉覽者亦於斯稽官守焉斯鴻寶之制詞匪絲綸是煥且經緯攸賴裁成輔相亦窺一斑何啻黼黻皇猷已哉因余所欲列而考其世定其品斯又當代人物之林矣賜進士及第禮部左侍郎兼東閣大學士長洲年友

弟文震孟拜書

修其文而不足以明天下則不若蓬卷而處修其質而不婉於天則不如椎髻而舂臯傳之為文以視天下皆蓬卷而處夷施之為質以視天下皆椎髻而舂信其言則涇舟之側無有譽髦有貪之田無有媚婦不信其言則狸斑與豹蔚爭坐隴廉與媼孟同官是兩者說之無定者也亦有定說神農為帝不能使五穀貴於金玉堯禹佐之不能使疏畧尊於絺繡五穀貴於金玉疏畧尊

欽定四庫全書

倪文貞集  
原序

於絺繡則土塊掬飯皆為鼎烹人脯鬼血雜揉於道矣故三家之子不能為金玉絺繡則必寶其糠覈鍼錐寶其糠覈鍼錐以為尊於金玉絺繡此亦恒情明主不誅必以為用其道可以治天下可使鉛松不御金玉齊價是則大咈明王之所惡也故仁義者精微之產也禮樂者與博之致也與博精微著於心貌而施於文章在生者之身猶是疏畧五穀也而少見者多怪多怪者重創明主亦因之以為必屏圭璧蕩金錫而後可為治於天



下則是燧皇卻竈結繩復作也三家之子苟其才不至於作擲智不至於窺盜見人金玉絺繡則斂手屏氣正容卻立退而視糠覈鉞錐雖無艷志亦有安色是石戶之農所引避於庭堅涓成務光所賣心於莘野必使英娥挾刃以伺夷光胥靡感圖以譟版築則情慮不至古今絕類由斯而談予見鴻寶則不復談文章亦不復談易豈為慢乎予之蓬卷而椎髻固已久矣崇禎壬午十一月弟黃道周識於穀水舟中

欽定四庫全書

說文解字  
原序

三

吾師鴻寶先生著述既富復集其單篇雜辭因人事酬對而為文者凡若干卷名之曰應本夫文之統系假哉五經五經之中惟易禮春秋道專體一為聖賢之著書後世子史二部凡成一家言者皆源之至於詩書所載則觸物而生譏頌因事而成治忽篇非連類義以情生雖理致宏深要亦應世之作也若夫易之有序論禮之存銘誄春秋之記書檄讚傳成書之內時見散文乃知六經之書無多大半遇人事而作後世文人動皆有集

按以經義未為離畔漢魏而降操觚之家著書日寡散

文日繁蓋道簡而難言事煩而遞起勢使然也然未有如近世之踏駁淫濫言不顧行者汗牛之文同於槁穢識者悼之原其流弊失有三端一曰論人之失夫元晏之序太沖中郎之碑有道苟非其人文不虛立近世綴文不別流品西蜀富人陽翟賈客元黃所至絀素斐然故使筆古日輕無徵弗信其失一也一曰記事之失夫馬班作史雖名公偉人紀其生平止書數事近世取悅

欽定四庫全書

說文解字  
原序

四

家乘凡閭巷贅言井臼鄙語罔不飾彼蓬威等於姬陽承祚伯起未至斯極其失二也一曰辨體之失夫序與論異旨誌與傳殊科或簡或繁各歸典則近世惟務紛葩全無辨別序述文章而泛稱德行勒銘珉石而同於汗青其失三也此於古人矜好之意牆宇已墮何望其上應經旨而仰窺聖域乎先生以英朗天挺之才宏遠多識之學應期名世作時君宗修辭立誠乃其餘緒而奏對則輟董賈掌制則追典謨闡經則並游夏執簡則



儼南孤洵乎經緯之鴻裁也至於酬應之文尤非經意而辨雕所至已絕攀躡今觀集中所載投贈之雅莫非名德褒美所及不濫平流使被辭者榮於山龍銓品者信於金石其論人也不亦嚴而正乎所書之事或係典章或切風教苟非懿德無取連篇揚厲之中仍存直筆其記事也不亦簡而覈乎圓規方矩因物異形南越北燕殊塗分軌能使口無當擇之言篇無可通之製其辨體也不亦整而明乎蓋先生之性博大易良推賢若不

欽定四庫全書

祝文貞集  
原序

五

及獎拔後進不遺餘力故辭章遍於宇內然其為文也無溢美無虛譽所由與世之作殊矣今天子以樞府召先生方將升之百揆授以大政自此以往機務煩積憂勤交贊即以暇日發為文章亦如臯謨說命姬文之七月召康之卷阿賜言人主而已恐交遊知舊欲求先生之文而不易得則凡茲集所列當先生一言之重者顧不足幸而子龍備吏於越得侍先生左右晨提夕命者且三載又豈易遇哉壬午至後一日華亭門下士陳

子龍題於語亭舟次

先公官翰林掌外制日久及門楊機部王二彌諸君刻卷軸鴻篇為代言選凡六卷一時館閣翕然宗之及崇禎丙子先公以司成歸里復哀輯生平酬應之篇都為一集曰應本其剞劂則陳黃門卧子任之刻甫竣而先公以佐樞環召旋筦計務日夜鈎考兵食議節議生凡以碑誌序記請者概謝絕弗答每顧語小子鼎大臣憂國之憂何暇以立言表暴乎然先公當退食時偶據几

欽定四庫全書

祝文貞集  
原序

六

攤書則取舊刻點勘朱黃甲乙若以待異時刊削者鼎奉而皮諸篋衍殆戢戢如束筍無何劇盜躡都銅駝荆棘舉先人手澤之貽悉散佚於兵燹煨燼中其存者裁什之三四爾年來詮次遺書乃復取舊所藏者敬加參校釐正繕寫俟他日壽諸梓焉夫文章得失寸心自知朱晦翁謂廬陵環滁皆山起句本二十餘字後乃鍊為五字李商老謂少陵桃花欲共楊花語自以淡墨改三字蓋一言一字之間有老去漸細之境讀前人集者必

求其晚年定本豈直為陶陰馬馬之謔已哉鈔成因識其緣起如此男會鼎恭述

欽定四庫全書

倪文貞集  
原序

七

欽定四庫全書

倪文貞集卷一

制誥

明 倪元璐 撰

原任吏部文選司員外郎贈太常寺卿周順昌

制曰夫孤情之所獨抗得死而成正氣之所不徂造生彌永所以屈平嫉俗轉快志於懷沙長宏殞身遂飛華於化碧資其扶世寵以教忠爾具官某希聖得清擇節

欽定四庫全書

倪文貞集  
卷一

取苦伍羞絳灌哭是賈生之才兒命融修罵亦彌衡之氣當其出為從事入典銓衡並以晶心章其茂節會當龍亢馴致蟲拊時則指鹿之惡浮於望夷出薤之威極於北寺來周羅吉箱網四張喬固膺滂桎鈇相結焚原盪岳不可通親固有懼禍之夫閉門而拒岑晳知幾之士築室以擬袁閼而爾獨持虎執獲冰湯席饒班荆悲咽尊酒豪攄俠亢左儒義依鄒浩忍捐愛息以徇累孥本有荆軻湛族之心不止邱成分宅之德於是飛章告



密檻車下徵而衆乃成城吳幾為沼至於焚香進食以禮御囚飛甍投竿而殺詔使魚驚獸亂釜沸波翻詎止廣漢被收吏民守闕鮑宣下獄生徒聚旂而已哉然而磯激難平虎騎不下卒不得脫以罹於凶而爾對簿不屈絕命彌雄雖復漢尉銜鬚唐臣嚼齒未有並其慷慨儷此從容者矣今捩軸既旋袞鉞並設碑踣元祐大升公正之羣墓顯湯陰恍見孤忠之氣用特贈爾為某官錫之誥命國家謹嚴近寺培養人才而在旁之奸烈於

欽定四庫全書

倪文貞集  
卷一

二正歲寒之節見彼前賢要以道極一時義激天下明興以來一人而已嗚呼學聖人之中寧存狂狷睹忠臣之報彌媿奸回

妻

制曰蓋聞一往之心不謀妻子亦有百折之氣而牽帷轡若夫彼則刑于此為順正相期遂志並可流聲其死也榮未亡何憾爾封宜人吳氏乃其官某之妻當其始盛多所中襄激庭謁小生之羞而抗趙映其墉視人倫

之鑒以佐山濤至於鉤黨獄興清流禍作而爾夫以不懼虎尾遂罹雉羅劉陶北寺之凶楊震西亭之慘將恐將懼惟汝惟予賈妻封髮已無開沐之期阮婦作糜永絕歸還之望當斯之際不亦悲乎今忠邪既辨庶幾小往而大來存逝何殊猶夫子紱而我佩是用封爾為淑人錫之誥命豈必相從已爭光於日月雖垂偕老尚表度於山河

祖父

欽定四庫全書

倪文貞集  
卷一

制曰天象之主魁文以生杓而毓斗先王之制川祭每後海而先河苟美孫謀必推祖烈所以范馨留硯而券後魏謩獻笏以章前爾原任平湖縣教諭周冠乃具官某之祖父學本一誠經窮三絕才名足則彌貴陰德耳鳴自聞蓋以劉蕡下第深愧李邵而以魯男閉門善學柳下澹凝之致於斯可觀迨於醴升伯起之堂愈堅士節麟見陳羣之角不墜家聲凡茲為臣盡命之忠誰非率祖攸行之德是用贈爾某官至三世而莫京自天申

錫若九原之可作微子誰歸

祖母

制曰夫翼子者貽孫忠貞所以不墜過祖而遇妣烝畀之曰孔偕豈必桎梏而死舉非正命之徒若推瓜瓞所由抑有初生之配爾韓氏乃具官某之祖母名閨毓秀碩士婉休著孝衣衾簞席之間得意簣翫房教之外是使瀟陵椎髻伯鸞有耕織之儔蒙山棄薪萊子無功名之患而於焉播獲受菑畲之澤偉績成勳黻之華粵有欽定四庫全書

倪文貞集

四

文孫章其義間發地下三年之血疏民初百世之榮用贈爾為淑人取忠義以報劉何如令伯攬實枚而頌魯時維姜嫄

父

制曰蓋聞萬年教誥不能回觸屏之聽郝惜竭忠不能弭發篋之慚原彼貞邪乖於父子若乃鄭慶敦倫子涵著直天彝內茂高節外寡雖袞裼塗殊而弓箕道合爾贈某官周可賢乃具官某之父維孝友于因心慶篤硯

耕力獲資為三釜之歡原歎永懷發彼雙荆之潤曾操甘以娛志薛推肥而解憂義報其天有足多矣詩曰教誨爾子式穀似之夫輪或師蓬釣可通御取爾孝義教彼忠貞洞酌注茲豈有異乎用特贈爾某官揚名顯親之道無如死忠闡幽追遠之文所以教孝嗚呼爾父爾子國靈國榮

母

制曰朕聞鮒胎珠於身而其鱗即紫虎襲氣於母而方

欽定四庫全書

倪文貞集

五

生已超故夫毛裏相資亦若主賓交酢況於干逢俊物以顯臣忠詎不李杜齊名而徵母訓爾贈宜人張氏乃具官某之母斯饑以明季女正位之曰嚴君所求子子可得而識也夫人中材咸資鼓勵若乃道德所蒸章其氣決剛大之塞垂為彛常誠孚魚豚聲震天地如斯之義豈易為功原夫生即天生知其教必胎教非徒九熊畫荻勗以微名詎若却鮐麾金由於驟激以是奇爾贈爾淑人君子人與徇國艱貞之節母氏天只倚閭忠孝



之心融洩黃泉光輝彤管

原任吏科都給事中贈太常寺卿魏大中

制曰夫光岳凝翁是生忠義之臣天地晦蒙彌表艱危之節故劉陶殞貞北寺楊震殉烈西亭並以禍極一時聲流千載爾具官某其生有自視死如歸原其至清絕塵大剛制物可以貪繩蟬蚓肉視虎狼故累百知一鶚之可尊嫉邪如神羊之必觸爰自輜軒之使陟於鎖闥之班洊歷清垣旋臻天掖銳心平治極論興衰節足相

欽定四庫全書

倪文貞集

六

宣變雖坐別時謂司隸陽球之既陟此輩安容假使銅鞮伯華而無死天下其定而會以相分公媼當蔡京童貫之時士亢君宗開竇武陳蕃之禍惟爾壇帷逾峻尤為增繳所先貝錦一成雄羅遂及詔求鉤黨獄署同文膚滂碎首於黃門喬固恭尸於城北三光黯沒海水羣飛當此之時亦云極矣今者世灰大滌天宇重晶朕是用章開幽忠崇敷顯秩雷震一夕已陪元祐之碑解澤重泉大表比干之墓特追贈爾為太常寺卿錫之誥命

以爾臣忠章為子孝汴濂之義生死同揆下壺誠奇王哀可念嗚呼位於箕尾識歸天傳說之星炳彼丹青寶入地萇宏之血

原任都察院左都御史追贈太子太保曹于汴

制曰夫道承危而章亢形至敝以得完所以松栢寶寒淵冰幸盡茅焦當獲則有愈奇之稱史鮪既尸始歸直哉之譽爾具官某尊其性命學為聖賢窮理存誠養氣得浩沈默寡語而諫古撓寔和簡近人而嚴骨料虎君

欽定四庫全書

倪文貞集

七

宗領士朋黨著碑貞十年而褫終朝來七日而凶八月會逢鼎運召入中臺之紀之綱以為燕媚不如不吐而無畏侮惜用不究其人已遐斯歎三彭不遺一老朕以天下功效不立治平無期咸由詩書教衰廉耻道喪朝無耆舊人昧典刑是以漢師無功則思法直唐律既否乃歎魏徵先見興愴於曲江奉公隕涕於征鹵以今視古何獨不然茲用追贈爾為太子太保錫之誥命依其蔽芾宜興爰憩之思望彼鬱蔥卽下樵蘓之禁

吏部左侍郎張鳳翔

制曰夫流波衆逐則知碣石之功烈焰胥焚乃表靈光之福故論先事定瓜必潰而何包身為國留果雖頌而不食具官某包國之元氣為德因人之精神制才昔者妖弄潢池亂成張角東連曹兗北震榮商雖濬沔恒岳接趾之間亦封豕修蛇飛肉之地爾時擁旆卧護啓乘聲援犄角為功救寧以奏獻囚矯虎晉秩睢鳩於是龍亢膺滂雞連京貫繫爾獄獄置於信信夫有破柱之勇

欽定四庫全書

祝文貞集  
卷一

而怯者賜辭而表間有請劍之忠而佞者呈身而入幕表間等之修墓入幕甚於望塵豈爾剛腸所能曳尾宋璟絕言而鐵石張象與歎於冰山而鬼彈星飛獸機颺發大官頌饌無命食亞夫之心中使銜綸示行誅寇準之狀洎冥鴻已舉而數澤猶羅竟題元祐之碑幾入同文之獄今者天心悔禍逆首膺誅朕用是顯爾孤忠陟於小宰姬旦鴻遵而歸渚悟啓風雷召公鳳翽而鳴岡諷存車馬願因舊德以集羣材用晉爾某階嗚呼今一

陽乍復百效未臻如琴瑟之盡解以張譬鳥獸之方革而鼯鼯爾知人之哲底績為期尚勵初心益堅晚節彊直已效詎首陽拙而柱下工勵翼不迷庶天保內而采薇外

妻

制曰蓋聞據勝五陰之上者士有得與取償七日之間者婦無喪弟衣當笥發鐘亦宮間惟否往則喜來故子紱而我佩爾具官某妻淑人丘氏主婦莫莫形為室牖

欽定四庫全書

祝文貞集  
卷一

之儀君子陽陽偕有房教之樂誠靜之譽所從來矣洎爾夫翱翔中外鞶鞶聲華可謂曰能則知其助意必有窺狐趙之識謀戎蓋之忠而況直道再違離憂獨賦艱難險阻惟爾共之今雖屈方伸乃駕戢宜福王仲卿既貴彌念牛衣辟司徒之妻應疇石窹是用仍封爾淑人於戲義比王臣亦有仔肩之弼時當有道無忘負戴之心

戶部右侍郎錢春

制曰大學以財用歸諸性命周禮以會計明其純王斯

知阜民儒者之能足國上臣之務所以農父若保極選

名賢若夫小徒建邦彌難倖乘具官某昔者霜馳坐振

白筆不眊羽翼吾徒紹明正學陳瓘國是之論取忌商

英范滂澄清之名幾從元禮而京房魏郡汲黯淮陽淹

久蓬飛旋當茅拔方道光於卿月詎禍極於閭閻時則

龍亢君宗雞連京貫詔求鉤黨獄署同文忌爾嶙峋不

同蒙落褫衣未已懸鑕以須所不淪胥殆有天幸朕既

欽定四庫全書

倪文貞集

十一

即位章顯忠貞命龍汝作納言抑由可使治賦維山甫

喉舌之既効知君牙邦國之所依而爾左握五典右操

七筴法參平準道本流泉蘓轍勵圖報於瘡痍李絳絕

微恩於進獻偉茲版貳何報前賢用授爾某階錫之誥

命嗚呼今國比空鐙議同木蔽羽書蠶午一井竭於五

鉞籌箸盈庭十羊分其九牧維爬梳之極慮必出侵牟

而節省之深心易流纖嗇資爾正學佐以精思要使正

德厚生遠凌貫粟朽紅之盛庶幾阜財解慍上賡卿景

爛熳之歌

左春坊左諭德兼翰林院侍講姚希孟

制曰國家甚親儒臣以為由其道則可以專氣而致大

是故天下之廣塗高載莫不與之矣今以為其居至靜

可以柔待挺鎔其德必歸於亂國可容平世亦無所自

見是天下之大遁史鮪王嘉則不為也爾具官某學廣

識尊寡而建立孤岸遠物莫能緣者時值京貫朋奸羣

邪醜正求剝爾腹則有百端夫小人之心以為致之不

欽定四庫全書

倪文貞集

十二

可得致舍之則將乘時得輿以大返其道憎主人而騎

虎不得脫爾是用譴逐示端網箱日出當此之時爾猶

鹿也走於山林命懸庖廚嗟乎使爾得事朕今日豈非

天哉朕既開昌世局妙簡宮寮維爾精能風道彌揭用

晉爾階奉直大夫今天下如木顛初藥未可嘻怡笑歌

求之也朕實寶百爾憂患之心以其才智所出可使世

大治則無如爾動忍若抑古人夷山而險堙爾其曰臣

無忘堂阜即一日旁求朕喜得爾矣



妻

制曰今天下狂然以求富貴富貴之物使天下自賊而相讎天下之好趨非其所與冒然而從之非其所與冒然而從之則相逐而敗矣故道之可守莫如其貧賤之心人之可交而難忘莫如其往夙夫婦亦然爾具官某妻贈孺人馮氏昔者禦冬視夜申儆陳規使樂羊去而不歸許升由之坐進斯已難矣今杜羔既第荀榮彌傷雖富穀可借而困藜早據牧犢朝飛之怨川魚中折之吟循覽前人並同斯愴茲用加贈爾為宜人百年之歎有繼遺簪七日而還母嗟喪弟

繼妻

制曰朕觀漢臣王章妻呵章使不泣牛衣何其壯也及章既貴顯欲上書奏彈大將軍鳳而妻顧又情語呢昵使章用其言者沒矣若爾具官某繼妻封孺人某氏天或隆之是誠女士跡其食貧徂爾恐懼惟予規切明星勛成霄漢迨夫釁開北寺獄構同文爾夫以士譽君宗

欽定四庫全書

倪文貞集

三

禍同李杜雖風波湯火日益侵尋而黃翻房故相將自得斯於王章之妻抑有進焉者乎茲用晉封爾為宜人冀當子紱我佩之時彌存士旦女難之意

右春坊右贊善兼翰林院簡討顧錫疇

勅曰文學之臣不使言事而使之靜治其文章使之靜治其文章是使之無不言也天下之論議歸諸臯曩猶東海水歸諸益耳文章之心則無所不入是故儒臣之盡忠也上規禹皋下循工瞽盛世由其道而不知時危道傾則蓬勃而見爾具官某含吐劉邢攀提史汲當閭氛火烈黨禍颺興棒起撞郎令行逐客入地滿萇宏之血美新盛揚雄之文愚夫首濡智者舌噤而爾獨義形於色情見乎辭發策詢時譏切不避搜才考議蹇諤者良美厥青緗居然白簡而科第風漢發士良之呵燕麥玄都促連州之駕褫衣不已藝鼎以須當此之時其危至矣今朕即位除克顯忠擢爾宮寮以風百爾而爾益宏棐迪彌著聲華用授爾階儒林郎夫人氣立則能見

欽定四庫全書

倪文貞集

三

子大夫有其任矣尚益廣識沈幾以通天下之故朕望爾羹醴舟川詎矜矯自見則已乎

父

勅曰人父之教譬諸原泉霏霏吐流雖旋折致殊而不匱其德爾原任元城縣知縣封翰林院簡討顧允忠乃其官某之父剖竹百里飛花兩城禁令所施歸於氣道樂只之意蒸為神明遂使瑞霰戢蹤盜酋授首銅塘之山保其地脈佳符之澤化為天都又且抗豪藩於翼虎之時恪權貴於童牛之日嬰凶捍患節晶道光以彼窮威視令猶蟻谷肉承利觸手能糜烏知亦有挺脊戴頭仇然而出者乎爾教在躬固宜有子用是加爾如爾子官大書建奮父子之良彌章敷毅剛方之種

太常寺少卿沈維柄

制曰夫為治不本禮樂猶燭幽不以火也今天下大發其朝氣功利富強茁然而欲見王霸道雜與治日遠朕誠欲建中和之極使夫幽明洞疏神人之和若傳烽可

欽定四庫全書

倪文貞集  
卷一

五

召則至治已有能為朕夷夔者乎具官某昔以健令塞

壯梧垣蹇諤能言彊直自遂而釁生於破柱禍極於沈河猿亡致延弓失忌得意存覆楚勢欲乾池矧爾亢貴君宗示難鵠的繒繳之及固其宜矣今者覓陸既決碩果僅存台首諸垣俾獎羣吏而爾法辯荃施道和硝乳用使繁妖之氣化為明霞元黃之心消於砥矢朕嘉乃績擢貳容臺昔堯顯寅清漢述忠孝若其以爾精義出為駿奔達裡享之心和民神之意原本道德旁宅文章將九敘坐歌三靈自順禮樂興舉詎須百年乎用授爾階中憲大夫嗚呼朕即左操天道右挈祖功四召鬼神之情伐鼓而號於有位不如使子奉璋而求之也俎豆之事勿曰嘗聞往而學焉苟通其故大治日出雖至於馘囚獻泮朕能知所由來舉而功子已

父

制曰朕觀古之帝王甚貴老而尚德故其詩曰酌以大斗以祈黃耆朕既肇舉臨雍乞言展禮而憲老無聞朕

欽定四庫全書

倪文貞集  
卷一

五